



## Komentar monetarnih kretanja za oktobar 2020. godine

Ukupna novčana masa (M2) na kraju oktobra 2020. godine je iznosila 27,63 milijarde KM, na mjesečnom nivou registrovan je rast za 234,5 miliona KM (0,9%). Rast novčane mase (M2) u oktobru 2020. godine rezultat je rasta novca (M1) za 183,8 miliona KM (1,3%) i kvazinovca (QM) za 50,7 miliona KM (0,4%). Novac (M1) povećan je prvenstveno usljed rasta prenosivih depozita u domaćoj valuti za 158,4 miliona KM (1,7%) i blažeg rasta gotovine izvan banaka za 25,4 miliona KM (0,5%). Porast kvazi novca (QM) je rezultat rasta prenosivih depozita u stranoj valuti za 47,2 miliona KM (1,7%), ostalih depozita u domaćoj valuti za 1,5 miliona KM (0,05%) i ostalih depozita u stranoj valuti za 2,0 miliona KM (0,02%).

Na godišnjem nivou porast novčane mase (M2) iznosi 1,71 milijardu KM (6,6%). Rast je ostvaren kod gotovine izvan banaka za 679,2 miliona KM (16%), prenosivih depozita u domaćoj valuti za 932 miliona KM (10,7%), prenosivih depozita u stranoj valuti za 288,9 mil KM (11,4%) i ostalih depozita u domaćoj valuti za 50,2 miliona KM (1,7%) uz istovremeno smanjenje ostalih depozita u stranoj valuti za 241,3 miliona KM (3,2%).



Protustavka rastu novčane mase (M2) na mjesečnom nivou u oktobru 2020. godine u iznosu od 234,5 miliona KM je rast neto strane aktive (NSA) za 245,6 miliona KM (1,6%) i smanjenje neto domaće aktive (NDA) za 11,1 miliona KM (0,1%). Porast novčane mase (M2) na godišnjem nivou od 1,71 milijardu KM rezultat je rasta neto strane aktive (NSA) za 1,64 milijardu KM (11,8%) i neto domaće aktive (NDA) za 73,6 miliona KM (0,6%).

## Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	X 2020	VIII 2020	IX 2020	X 2020	VIII 2020	IX 2020	X 2020
<b>Aktiva</b>							
<b>1. Neto strana aktiva</b>	<b>15.498,3</b>	<b>231,7</b>	<b>59,6</b>	<b>245,6</b>	<b>9,2</b>	<b>10,3</b>	11,8
1.1. Strana aktiva	17.756,5	146,0	47,6	201,2	3,7	4,4	6,0
1.2. Strana pasiva	-2.258,2	85,7	12,0	44,4	-22,0	-22,8	-21,9
<b>2. Neto domaća aktiva</b>	<b>12.127,6</b>	<b>79,8</b>	<b>28,5</b>	<b>-11,1</b>	<b>2,4</b>	<b>1,7</b>	0,6
2.1. Potraživanja od centralne vlade (neto), kantona i općina	164,8	80,1	70,2	46,3	-126,9	-164,5	-170,4
2.2. Potraživanja od domaćih sektora	19.315,3	-88,8	16,6	-17,9	-0,1	-0,7	-1,3
2.3. Ostale stavke	-7.352,4	88,4	-58,3	-39,5	-1,1	-0,4	1,0
<b>Pasiva</b>							
<b>1. Novčana masa (M2)</b>	<b>27.625,9</b>	<b>311,5</b>	<b>88,2</b>	<b>234,5</b>	<b>6,1</b>	<b>6,3</b>	6,6
1.1. Novac (M1)	14.560,3	273,7	44,2	183,8	10,8	11,5	12,4
1.2. Kvazi novac (QM)	13.065,6	37,8	43,9	50,7	1,3	1,1	0,8

## Ukupni Krediti

Ukupni krediti domaćim sektorima u oktobru 2020. godine iznosili su 20,41 milijardu KM. U odnosu na prethodni mjesec povećani su za 38,3 miliona KM (0,2%). Kreditni rast registrovan je kod sektora stanovištva za 13,1 miliona KM (0,1%) i vladinih institucije za 52,1 milion KM (4,7%). Smanjenje kreditnog rasta registrovano je u sektorima privatnih preduzeća za 17,1 miliona KM (0,2%), javnih preduzeća za 7,2 miliona KM (1,4%) i ostalih domaćih sektora za 2,6 miliona KM (1,5%).

Na kraju oktobra 2020. godine ukupni krediti bilježe pad na godišnjem nivou od 119,4 miliona KM ili 0,6%. Rast kredita je registrovan kod sektora stanovništva za 24,3 miliona KM (0,2%), vladinih institucija za 87,1 miliona KM (8,1%), javnih preduzeća za 97,4 milion KM (23,1%) i ostalih domaćih sektora za 4,3 miliona KM (2,7%) dok je u sektoru privatnih preduzeća registrovano smanjenje kredita za 332,4 miliona KM (3,7%).

### Sektorska struktura kredita u BiH

	Stanje u mil. KM X 2020	Mjesečne promjene u mil. KM			Godišnje stope promjene u %		
		VIII 2020	IX 2020	X 2020	VIII 2020	IX 2020	X 2020
<b>Ukupno</b>	20.407,7	-89,7	27,9	38,3	0,6	-0,4	-0,6
Od toga:							
Stanovništvo 1)	9.938,0	14,3	25,0	13,1	1,1	0,7	0,2
Privatna preduzeća 1)	8.622,6	-105,7	17,2	-17,1	-2,9	-3,2	-3,7
Vladine institucije	1.161,3	0,1	7,8	52,1	12,4	2,5	8,1
Javna preduzeća 1)	519,6	4,8	-15,0	-7,2	31,7	26,6	23,1
Kreditni ostalim domaćim sektorima	166,2	-3,2	-7,0	-2,6	12,9	3,2	2,7

### Devizne rezerve

Devizne rezerve Centralne banke BiH na kraju oktobra 2020. godine iznosile su 13,41 milijardu KM, ostvaren je rast za 65,6 miliona KM (0,5%) u odnosu na prethodni mjesec . Na godišnjem nivou devizne rezerve Centralne banke BiH porasle su za 1,02 milijarde KM (8,2%).

---

1) Stope rasta su izračunate uzimajući u obzir Odluku o upravljanju kreditnim rizikom i utvrđivanju očekivanih kreditnih gubitaka, slijedom koje su komercijalne banke od 1. januara 2020. godine izvršile preknjižavanje određenih potraživanja iz bilansa u vanbilansnu evidenciju, što se reflektovalo na smanjvanje potraživanja od oko 400 miliona KM u sektorima privatnih preduzeća i stanovništva.